

宋詩紀事補遺

宋詩紀事補遺卷之三十

歸安陸心源伯龍

洪擬

字成季丹陽人紹聖元年進士忠正軍節度推
官累官國子博士監察御史殿中侍御史不附
蔡京出知海州代歸高宗駐維揚召爲秘書監
累遷吏部尚書以龍圖閣學士知溫州以徽猷
閣直學士左中大夫提舉江州太平觀紹興乙
丑卒謚文憲年七十五初以避地台之甯海遂

家焉

伏覩三兄文會之樂皆見于詩不肖屏居山
間頗以不獲陪末坐爲歉輒繼高韻聊以
自敘云爾

老去謾將書作伴平生不喜酒爲名倦遊落落忘塵
事清夢時時入化城縱有詩騷渾漫興回看波浪亦
堪驚赤城坐阻陪高會深自憐余不及情天台別編

甯海五詠

崇教寓居

七年溪山北頗自愛吾廬人生真寄耳何必賦歸歟

對客隱几

客欲談世事詞鋒若戈矛我已夢爲蝶咄哉爲罷休

晚晴讀書

新晴快老讀斜日在遺編吾非求甚解會意卽欣然
窓下獨酌

萬事休杯酒高情誰與論寄語問安者謹勿過我門
書齋夜坐

不知月欲落但覺衣生稜夜深誰是伴相對祇孤燈

天台
別編

建炎丞相成國呂忠穆公退老堂詩

富貴功名豈易量暫休聊洗十年忙赤城山下林泉

美退老堂中日月長種竹幾年心未厭栽花經日手
猶香一丘寄傲真吾事何必懷歸問故鄉

千載明良不易逢退居誰不慕高風香留鐵硯韋編
上春在金罍玉斝中鼈足共知曾立極龍韜猶欲倚
平戎追鋒只恐來相繼行看東山起謝公

天台別編

林迪

字吉夫興化縣人紹聖初進士調福州司理知
龍溪縣平易近人蔡京林出也嘗欲引以自近

迪拒之

題董公偃靜和軒

寂寂峯巒千古意溶溶花木一家春

萬姓統譜

湛執中

閩縣人紹聖元年進士官南贛丞

碧照亭

人在蓬萊頽白玉地連兜率布黃金

輿地紀勝

陳賜

屬有

徐真君祠堂東西二室次許將韻

六題曾撤九重門慙阻堯階奏萬言今日又蒙師許
我漢廷當沛異常恩

三山志

龍都峯

巖頂風來常不散洞門日日吐煙霞濟時偏解爲霖
雨信是神仙第一家

同上

水簾

地噴飛泉成雨露根盤喬木列旌麾

同上

南臺沙合亭

閩州勝槩是南臺沙合相傳有自來一道三橋橫渡
處分明平步揖天台

輿地紀勝

蕭刹

累官觀察推官與蘇氏弟兄相倡和紹聖元年
責授朝散郎管勾崇禧觀元符三年坐上書謗

訥降授承議郎添差漳州鹽稅崇甯中再降五
官入元祐黨籍邪中第十三人

潯州

自廣直邕分十郡綿龔引象列三江水歸東海流無
盡山拱西祠勢若降

輿地紀勝

鄭民瞻

字叔巖紹聖初知袁州發摘如神歲祲民無流
亡江西袁州府宦績有傳

重修岳陽樓

偏厯江山只此樓名傳自古又今修卻觀湘水浮新

朱詩三十一
四
景重對君山記舊游風月依然如故友軒窗今復冠
南州遠追張相膝侯迹幸躡前規壯勝遊

湖南通志古蹟略

張之才

紹聖初知陽城清謹愛民名聞當世去任邑人

刻石頌之

去任辭湯廟

一官來此四經春不負蒼天不負民神道有靈應信
我去時猶似到時貧

山西通志

浮雲寺

安州水西寺李白舊題詩今古已堪歎風煙獨昔時

輿地
紀勝

宋構

字承之成都人紹聖三年提舉川茶事

關山月

關山月關山月千里寒光射冰雪一聲羌管裂青雲
隴上行人腸斷絕腸斷絕兮將奈何爲君把酒問嫦
娥冰輪桂魄圓時少應似人間離別多

關山雪

關山雪關山雪遠接洮西千里白試登龍首瞰八荒
表裏高低都一色日高融液流車轍凍作堅冰敲不

裂早晚春風動地來消盡寒威百花發

金石

萃編

劉允

字厚中海陽人紹聖四年進士初任循州戶曹
改知程鄉權知化州後除新循二州不赴卒于
家

韓山

惆悵昌黎去不還小亭牢落古松間月明夜靜神遊
處三十二峯江上山

粵詩
蒐逸

范致冲

一作致君致虛兄建安人紹聖四年進士

呂公洞

朝遊北海暮瀛洲仙佩何年到此遊安得相從問丹
訣春風同醉岳陽樓

竹林寺

竹林深處有招提靜掩禪關過客稀蒼菊花開春欲
暮泠泠鐘磬白雲低

泰安府志

陳與京

莆田人紹聖四年進士○又一人建安人皇祐
元年進士

流花亭

丹艤依巒腹翬飛枕碧闌應教臨水客頻問種桃人
野色低籠日溪光長占春仙槎消息便咫尺到龍津

六台

看集

朱輅

字國器桂陽人天姿高邁才識過人紹聖四年
丁丑進士授湘陰尉通判邵陽擢知郴州改知
邵州以母老乞近授桂陽監使致仕

自春陵還題驛舍壁

邵陵北望幾勞魂白首慈親日倚門雲外歸鴻如可
託平安先爲慰晨昏

任桂陽監使挂冠養母述懷

勇退無心戀一麾叩闈乞得侍庭闈二千石祿人皆羨九十慈親古亦稀東閣雖無文舉酒北堂幸有老萊衣黃梁未熟渾閒事且臥南山飽蕨薇

沅湘耆舊傳

徐庚

字叔義江西樂平人紹聖四年進士差主管綏
錦院遷諸司審計建炎三年福建提刑進轉運
使致仕自號寄傲老人著有易書周禮講義寄

傲集

題仁壽樓

撥置南荒果是非性真全取未生時前溪流水日夜
逝樓上主人渢不知

樂平縣志

陳之邵

字才仲福建侯官人紹聖四年進士官宗正少

卿

皇恩寺

老檜喬松路屈盤翬飛金碧照巖端僧尋翠巘曾揮
錫客厭紅塵屢解鞍望斷四天春野闊夢同一枕夜
濤塞陽休況是多佳句吟罷碧雲時倚闌

福州府志

周公弼

臨川人紹聖四年進士

瑞蓮橋卽九曲池和王肱原韻

石門雙峙聳前蹊溪白疑藏照水犀古木萬株清露染曉風千疊瑞烟迷虛巖伏虎和風嘯峻壁聞猿向晚啼更有淡軒軒上趣妙緣真覺證菩提

撫州府志

胡安國

厲有

移居碧泉

買山固是爲深幽況有名泉例可求短夢正須依白石澹情好與結清流庭栽疏竹客馴鶴月滿前川寺浦樓十里鄉鄰漸相識醉歌田舍卽丹邱

湖南通志古蹟

章憑

紹聖四年通判台州

題靈康廟

山邊清氣擁祥氛遺跡流傳漢史存金殿已頒新號
美劍崖猶隱舊痕胥據簷焚鼎驚魚市浮蓋呼風過
海門千里陰功誠不淺紛紛餘口豈須論

凝真宮

行人騰碧落餘地掃巖隈石壁雲長在松梢風自來
暗扉通浩蕩古蔓接崔嵬更欲窮幽隱僅源路已回

石橋

昔聞天台山方廣寺尤勝石梁元自成茶花隨所應
見此絕世蹤嗟我拘三乘更聽寒泉聲不獨發清興

流花亭

亭榜得佳名山口擁口闔風流傳晉客談笑憶秦人
水出桃源路花浮洞府春未應迷俗駕行處是通津

以上天台續集

寒汝明

懷安軍金堂人紹聖進士

題翰林灘

灘崖猶刻翰林名鑿鑿寒波漱玉聲遊子渺其感今

昔臨流不敢灌塵纓

輿地紀勝

絕句

我聞敬亭無足耽
岑寂況在東南崖
聲名一日遍宇宙
正以謝守詩瑰奇

輿地紀勝

黃符

符字信叔金谿人紹聖中進士讀書過目成誦
父慶基初欲以任子奏符願自試竟登第時初
立宏詞科又冠其選仕至祕書郎

黃華姑嶺

鐵色陰崖積石屯玉顏宛穹鎮崑崙上池降液行靈

響左角承雲出曉暉手抉風雷穿刀窟坐當星斗直

天門昔人政有懷仙地爲掘清泉注一尊

江西詩徵

佛跡嶺

城東四十里有飛來佛又有二井深廣盈尺冬夏清瑩不竭

石室有僧居煙霞留佛跡因窺行道踪似覩如金色
厯代不可窮智人亦難測諒自閻崛山占化來南國

撫州

晁端稟

字大受仲衍之子端彥之兄號寂默居士第進士厯知縣不樂仕進晚年自放于酒所著文郊島不能逮也

李行中秀才醉眠亭三絕

吏部齋間眠先生牕下臥夜偷綠醑飲畫喜清風過
人爲清風快於酒擺落煩襟洗塵垢吾知醉寢勝開
睡可以寄天真兮忘世累溝瀆超江漢幕席視天地
蝴蝶不知緣變化黃梁未熟虛營利從來閑處得閑
樂何者功成與名遂臘西夫子稱世賢世家自是酒
中仙作亭占得松陵地東坡名之爲醉眠醉復眠兮
賦復醉頤養鄒軻浩然氣賢人爲獨聖人清昏昏夢
寐都忘形花影滿身猶未覺風竹吹面不知醒憶昔
樂天貪醉吟吟哦未免勞其心不如醉睡了無事其

樂陶陶得趣深我身走塵埃羈鞅殊未息有所思兮

在高軒欲往從之路艱塞無緣一榻同醉眠空禿千

毫揮醉筆

雲間志

琅琊山

琅琊山色連雲綠煙樹參差裏巖谷幽香爛熳四時

花翠影交加萬竿竹

輿地紀勝

鄭敦芳

紹聖中知新城

妙香堂

山勢巍巍千萬重來游仍覺思無窮峰巒合匝溪如

斷巖谷迴旋徑忽通石屋淒涼飛瀑布竹窗虛寂灑
香風開軒無限崢嶸景盡日間觀屬達公

新城志

張如遠

號茅山居士

紹聖戊午零陵不雨澹巖長老思公率寺僧
禱於巖中獲應喜甚賦詩索僕和之

試將口懇種青霄遂話田疇萬里焦不是湫龍解興
雨元來滴滴是心苗

禱澤何妨抵死求分明在處有神湫只消一念精誠
格立使風雷布九州

幽谷復來分外清那堪雨過月華新行將高謝浮名
事卜築巖傍効子真零陵縣志

梁于美

字才甫東平人紹聖中朝散郎提點廣西刑獄
官至中書侍郎著有耆英集一百卷宋史附見
梁適傳

劉仙巖和曹輔韻

神仙靈異古今傳窮理修真本自然遺址宛存疑谷
口蒼崖喬木聳青天廣西通志

林同叔

紹聖中知廣東增城縣東坡在惠州與歐陽知
晦牘稱爲奇士

黃龍洞

黃龍一洞與天通仰視星辰目睫中人去壇虛今已
矣祇留手植七株松

七星壇

十年客夢憶南徐玉案曾看綠篆書今日星壇香一
瓣恍如身再到冲虛

九眼井

幽人鑿井住羅浮暇日吾伊興自由仙鳥避吟來照

影九龍飛動碧雲秋

莫道人

萬古煙霞隱石門洞中別是一乾坤仙翁自不知年歲山下於今幾代孫

羅浮山志

黃大臨

厲有

寅菴四首寄弟魯直

一溪婉婉如平篆四野青青似畫圖仙客放船迷洞府化人攜袂到清都山中安用名丞口天下於今得廣居我旣其間創宮室預愁帝夢有華胥

山前有路到華胥下卽乾坤極海隅西接洞庭開曉

楚東傾彭蠡浸晴吳四時更代觀形化萬物推移見
尾閨此世人少閒暇每攜樽酒自看書

招得鄰丁作飲徒山家穀菽益胥疏就根爌筍連黃
籜和蒂裁瓜帶綠鬚羹熟澤中親射鴈膾成溪上自
釁魚遠懷羊仲開三徑能似林間今日無

奉寄子由

鐘鼎功名淹管庫朝廷翰墨寫風烟遙知道院頗岑
寂定是壺中第幾天厯下笑譚漫一夢江南消息又
餘年勤心忍性非無意吏部如今信大顛義甯
州志

溫益

字禹弼泉州晉江人紹聖中知福州建中靖國元年拜尚書左丞蔡京當國進中書侍郎京欲廢元祐皇后益主其說蓋京黨也

鳳池山

少年曾接元公論屢話南閩佛刹奇志

三山

水簾

竹生石上瓊瑤碧泉落簷間組帶垂

同上

俞括

紹聖中以承議郎判處州蘇軾稱其博學能文敏于從政而恬于進取自處罷歸卒于廬陵

絕句

二十四峯尖參差列郡南半空擎梵宇絕頂寄僧龕

與地
北勝

徐三畏

紹聖時人

盧山延真觀紀異詩并序

東牟郡屬縣曰黃黃之西南廿里山間有觀名
延真隋沖禧盧真君煮藥登仙之地也觀有池
直聖母殿鄉閭歲時祈禱嘉應非一紹聖四年
十二月初七日夜大寒池冰凝合遽旦視之冰

中有色纍纍如貢珠玉皆成物形細鎖不可殫
數其間層級隱映爲佛塔爲香鑪者狀殊明察
雖神理眇緜不可詰然奇祥美瑞渠無自而至
明日蓋興龍節也以人占天其端可見先是真
君座側生異草細莖柔蔓榮迂詰曲覆被神像
上引來棟旁緣壁堵蔥蒨蕤鬱歷歲始枯去今
且三十載矣當時莫紀其事因兼述焉告諸未
聞

芝陰舊是神仙宅駕鶴冷風著前籍青冥倒影不可
尋間有遺靈表奇跡往時瑞草出西楹蟠莖引蔓緣

屋壁蔚鬱青葱淨點塵覆被仙容周幄帝通人備考
神農經無說無名終不識傳之于今三十年目睹耳
聆猶厯厯邇來復見古砌下冰結池面堅鐵石中有
鎖細百千狀貫玉聯珠相倚植爐形塔影最明察儼
如天匠窮彫刻堵觀魄動駭且疑試爲求端一推覈
有道致祥聞自古諒由叶氣潛薰炎川珍獻貢惟恐
後器車丹輶何由惜舜廊淵默正垂衣鴻塞清夷方
偃伯宜哉殊像發重口口應興龍靡差忒至聖謙沖
美不居瑞合圖書禁牋冊少茅爵躍賦巴口竊與堯

民喧壤擊山左金

吳則禮

字子副興國州人以父中復蔭入仕元符元年
爲衛尉寺主簿崇甯中直秘閣知虢州三年編
管荆南晚居江西號北湖居士著有北湖集

題折氏下城南

繫馬後河川可人冬景妍要看花致地付與水浮天
未覺隨我馬端來喚酒船誰云是關塞勝事總堪傳

山西通志

寄歐陽元老

耿耿坐不寐浩歌睇流雲寒商動清夜落木何紛紛

幽閨納華月宴几停餘薰聊復飲蘭露無因持寄君
贈江器博

先生行年今七十植杖端如孤鶴立江天小雨作許
奇洲渚橫斜雁行濕先生隸法老更精未要中郎作
典刑筆含鐘鼎小篆意啟齒要須斯與冰先生宿昔
愛琴音不愛越琴愛雷琴摩挲龜背蛇蚞紋太和款
識尤絕倫先生真已棄百事舊參堯典舜典字端有
江湖著老儒笑大耳兒長結眊學書初不論永和書
到石鼓才不磨不見吏部石鼓歌往載安得數駱驅

贈子發

金銅仙人辭漢歌近時作者嗟誰何王侯之種合魂
詭君復鼻高骨塊磊著身邱壑謝幼輿此事端憐卿
輩無口譚名理腳穿屨手捉毛錐家四壁平生三尺
古錦囊掉頭不愛尙書郎飽知得句要得眼肯道挽
弓須挽強老夫天與羈臣骨大笑癡兒曾咄咄折牀
舊喜存烏皮渴釜初欣識黔突未辦澆渠酒一樽藜
羹且可細論文政思橫說與豎說莫廢本來微妙舌

次韻林初心先輩

太史滯周南醇儒去廣川功名欺白髮風雨送流年
故國悲歌裏滄洲醉夢邊平生心似鐵相對肯淒然

登北樓

落景孤雲共清商
戍角和蒼烟澹伊洛
白露濕關河
牧馬隨鴻雁
行人掣駱駝
暮年餘習在
猶欲聽邊歌
不奈

不奈淮南熱
遙知秋可憐
烏皮垂老事自髮
半生禪井水
從兒汲茶鎬
且自煎何時決
明好堂下晚花鮮

送公桓行

汾河水落雁南飛
一馬蕭蕭木脫時
蒼鬚寧堪異鄉
別幽人
況有故園悲
山頭日沒邊笳斷
隴底駘鳴塞
草衰千里黃雲太
行路自憐北望獨相思

送王詩客莊依湖外使者

閈舍求田話昔時共憂南北未安枝青山笑我空成
夢白髮憐君苦作詩風月誰教太瀟洒功名自是小
差池要須附驥還金馬畫錦歸來亦未遲

送陳漕時權師還自靜州

送節亭亭曉靄間邦人多看錦鶻還初傳使者驅千
騎俄見將軍定百蠻雲盡月光依組練雪消春信滿
湖山仁聞禁掖催頗牧玉陛歸親咫尺顏

寄魏道輔

漠漠長煙暝戍樓登臨永日強消憂殊方日落青山

暮舊國雲深碧樹秋向老江湖雙病眼此身天地一
浮鷗高談早晚對犀塵滾滾遙憐湘漢流以上北

湖集

吳習禮

則禮弟

蒙泉

湖北封疆最上游荆門中有惠泉流

襄陽地紀勝

秦玠

元符初朝奉郎知溫州學書法于李建中
有師法見後山叢談累官尚書刑部郎中判三司理
欠憑由司兵部郎中見蘇魏公集卷三十一

題招提院靜照堂

物外物何有物心須盡除始能爲靜照得到便空虛
性理自澄寂世緣終□□飄然飛錫去特此保安居

又

靜本天之性心因識始明構堂來善眾傳法立佳名
坐見靈禽集閑思土水平我緣簪紱累未得叩禪局

又

義師遺世網舊隱敝新堂月白秋庭小風清晝榻涼
倦遊輕勢利歸夢在滄浪浦篋朝賢句孤雲出帝鄉

又

選勝構窓扉朝嵐更夕暉無人清磬度有伴白雲飛

洗鉢江鷗下開簾野鶴歸誰能了方寸采此共忘機

以上嘉

禾志

龐其章

字璞翁成都人元符二年樂山令

留題白崖

金地枕巖口口臨蕩鬱懷林口圍翠幄仙洞口陰靈
秋練澄口靜雲屏疊嶂排座涼風入竹殿古蘚侵階
瀟洒來僧舍矚煩厭縣齋白崖今得到無處問洪崖

金石

苑

孫欽臣

字仲恭長沙人元符二年游澹山巖題名

羅浮卽景

巨鰲掀釣去何代泛蓬瀛百里風光積崇朝香氣橫
盤根爭聳拔峻嶺共崢嶸繖蓋千重出笙竽萬籟聲
望高南鎮越勢遠北歸溟澗險難窮路花多不記名
寒流飛白練怪石疊蒼瓊雨向山腰下雲從洞口生
喬松隨歲古異卉逐時榮近逼天風冷遙瞻海日明
淡煙輕糾素修蔓密垂纓泉湧知無盡崖危訝欲傾
深沈宜造化頃刻變陰晴遊客逢巖住歸僧帶月行

更尋應有分再到已忘情但恐看難遍須知畫不成
惜哉居絕域不得視公卿廣東通志
山川略

宋詩紀事補遺卷三

男侍讀銜內閣中書樹藩校

宋詩紀事補遺卷之三十一

歸安陸心源伯剛父輯

楊琳

字君全青神人元符二年餞山谷于中岩山谷
集有次韵君全送花詩

玉笥山

亭扁江西太史詩名垂詩逸幾經時聿來芹泮三章
古成此花封一段奇翠玲瓏影磨峯翠翠英辭光動水
連漪先生多少凭欄思徑寄蓬山與鳳池

句

浩翁句摘江山勝趙令亭高星斗寒

句

宦情莫莫雲生岫詩思蕭蕭月滿川

句

萬疊遠山青未了一江流水意無窮

句

夜添風月無盡景曉起煙雲皆助詩

句

水似人清光滴眼山隨天遠翠浮眉以上輿地紀勝

楊密

字景山四川青神人元符三年酌黃山谷于中
岩之東堂山谷集有謝景山送酒器詩大觀中
仙居令

福應山畫美亭

清風送月上欄干雲雨溪流破玉寒我有三峰高興
在漫堂聊作畫屏看

醉後愁生任數奇僧憲借夢入新詩覺來著意尋桃
李除了春風總不知天台續集

南峯桃花洞

水縛山腰點萬松雲扶翠岫掩寒空此溪定入桃源

去時兒波閒有落紅

仙居縣志

朱褒

褒字世德南豐人軾子元符三年進士歷官虔州法曹屯田員外郎建炎初卒
和曾密公江樓詩韻

太史聲名重江樓昔有言詩清排屈宋意古記羲軒
飛棟蒼雲合窺魚白羽翻臺高縈水府氣爽返梅魂
市遠風埃潔川腴草木繁滄浪初出日孤落可浮櫓
曲岸疏帆影枯槎隱燒痕爍容天漠漠春意雨昏昏
地易規模在碑新典則存溪山重入座先哲豈虛論

江西
詩徵

唐績

字公懋零陵人元符三年庚辰進士歷官衡山
令通判鼎州擢福建路運判

靈巖寺呈銳公禪師

一水穿巖走碧沙沿溪樛木卧龍蛇分明便是桃源
路不見溪頭流落花

登孤峰

昨浮枉渚水今上枉人山想像雲深處先生獨往還
以上沅湘耆舊傳

成大亨

字正仲河閒人元符三年進士紹興初倉部員
外郎戶部郎中福建提刑

繫年
要錄

累官直祕閣寓

天台見赤城志

遊石橋

曇花亭下卧晴虹兩瀑交流雪噴洪已許銀燈觀濬
壑未瞻秋月印長空

天台
續集

建炎丞相成國呂忠穆公退老堂詩

調燮勳庸萬國歡暫攜造化入名園芝蘭繞砌初爭
秀桃李成蹊自不言滄海從龍揚翼翼虞淵取日破

妖氛功存社稷曆宸眷莫滯芳菲遠帝周

憩辭鈞軸逸祠庭園闢東郊以退名花木爭妍
目干戈未戢可忘情鷹揚早繼磻溪業霖雨爰

野生願把經營芳圃手更將春色徧寰瀛

天台別編

次韻仲舉知府徵猷勸農出郊

鶴蓋羣山曉熊旗愛日明萬夫觀擁路千耦勸深耕
江熟漁歌櫛山豐社鼓聲老農醉酺飲鼓舞暮歸情

天台別編

凌唐佐

宋公炳休宦人元符三年進士厯官直徽猷閣

南京留守建炎初以節死贈待制有易解一卷

宋史忠義有傳

黃山湯泉

一道出遙岑潺湲古到今雪天聲瀉玉月夜影搖金

歲旱施功大民病被澤深浮容與軒帝仙迹可追尋

新安文
獻志

周裕

祁陽人元符三年進士官辰州通判擢御史

彌巖

萬窟藏雲造化寬仙源路有小江十三冬洞府幽棲

暖九夏星槎穩泛寒飛雁忽經天柱過蟄龍欲向石
田蟠揭名爲報紅塵客儘把茲巖取次看

烟村

千山環拱號烟村名曰烟村卻不村路入清湘徒旅
眾坐看擾擾到黃昏以上沅湘耆舊傳

李公彥

字元德臨川人元符三年進士累知分寧縣宣
和三年中博學宏詞科官至工部侍郎與謝溪
堂唱和箸有潛堂詩話及文集

題澹山巖

地靈欲借一握天神剝鬼劙無留堅歎然鍼豁空而
圓陽鳥飛景光自穿古藤繞石翠欲牽石果垂結紛
如拳中有巖竇吐細泉六月客坐寒入肩昔聞修麟
何蜿蜒誅茅判木不敢前誰令結此殊勝緣化作寶
坊可棲禪我非貴客來塵鞅訓狐挾狡聲亦先飛上
巖前枯樹巔喚起山丁夜不眠涪翁有筆大如椽七
字要與山俱傳續貂顧我不著便千古一笑夔憐蛇

零陵
縣志

案又李公彥常州武進人崇寧進士官至宗學博士著有賢已集與此李公彥同姓名而非一人

陳城

字虛中沙縣人瓘弟元符三年進士曆知建州
吉州見閩通志又一人字伯成鎮江人元符三
年進士知真州揚子縣見至順鎮江志

遊虎邱

選勝得朋儕榮紓信小舟舊游渾是夢衰鬢獨知秋
爽氣侵殘暑名言破積愁醉歸有明月莫誄大刀頭

虎邱
志

李賓王

字西坪平江人元符三年進士累官朝奉郎知

澧州司農少卿金人議立張邦昌賓王白衣冠去之建炎初卒于家

中秋玩月

西風蕭蕭起青蘋蒼空礪玉收暮雲可憐八月十五夜寶光九十方平分東山飛來雪毛兔瑞光千丈無纖塵誰將八萬修月斧合成長寶鏡如珠輪包藏宇宙幾千萬留與此夕誇清新柴門朱戶同一照清輝豈擇富與貧袁宏因此泛牛渚知微何必登嶧峴對茲良夜可攜酒呼童與我開芳樽寒光淒冷砭肌骨恍然疑作瑤臺賓我欲因之遊廣寒葉師去後今無人

我欲因之登筋梯周生之術誰能陳浩歌痛飲人寂寂惟有索影長相親須臾酒醒月未落卧聽潮聲千

萬單

平江縣志

許中

字與權江西樂平人元符三年進士累官校書郎兵部郎官知虔桂鼎揚四州多善績

釣臺

何代何人把釣繙至今猶有釣臺存身名俱隱成真

隱呂渭嚴灘未足論

樂平縣志

張保源

字澄之深州東鹿人累官通直郎元符三年坐上書妄議朝政勒停五年與監廟差遣崇甯中入元祐黨籍

三門砥柱

鑿開山骨過長河水土方平敘九歌舉世但傳神禹力誰人知是帝功多

山西通志

許居仁

潮陽人申五世孫與兄居安同登元符進士

句

勝遊懷橘偏思陸高隱燒丹擬問洪輿地紀勝

王縡

元符間逸士

張公洞

高士宸居隔紫烟，洞中金闕暗相連。
輔光竈冷留香壞，太素淵清湧玉泉。
後夜雲歸雪浪濕，未明人起月華鮮。
秋光不老巖前麓，到此偷閒亦自賢。

毗陵志
山水

王士元

仁壽于薦攝從事官止郡推精父藝善畫稱妙品見宣和畫譜又一人元符中官侍禁以白草原冒賞勒停

龍子祠農人享神

晉州之西山曰藐姑有泉源源流不滙疏爲人道溝
與渠坐令瘠土成膏腴多黍多稌多麻蔬沄沄萬畝
碁局如田家終歲惟勤劬雖有乾旱無憂虞割牲醜
酒父老趨坎坎擊鼓吹笙竽報答龍神醉飽餘宛若
澤國江鄉居晉州之東民豈迂耕種自亦爲農夫年
年汲井井欲枯赤日炙背田不濡父子筋力疲轆轤
肩頰汙浹良區區老我見此空嗟吁誰把勞逸分兩
途齒年且爲寬賦租山西通志

程懿叔

元符中福州守提舉川陝茶馬

元符三年自福唐守就移提舉川陝茶馬至此
遇雪偶書

三伏登途微盛寒客塵猶未解征鞍明時用搭皆公
道自是非才進路難金石續編

張袁臣

與晁詠之同時

和咏之

暫隱嵩高六六峰未乘雲氣御飛龍自餐白石求黃
石更採長松寄赤松說嵩

李景元

元符中知武康縣

超果敎院見遠亭

高僧欲縱目橋上建橫亭野水茫茫白羣山點點青
客帆風送葉漁火夜遺星看盡朝昏景天涯一畫屏

雲閒志

鹿敏求

里貫未詳元符末官韶州仁化令三年應詔上
書可采除承務郎崇甯三年降充簿尉入元祐
黨籍

上城院

疏林烟重集昏鴉攬轡行穿路徑斜文室颺颺風入
戶龕燈明滅燼垂花抵寒猶欠千鍾酒破睡聊資七
盃茶昨夜驚鴻雲外過漸催清夢遶天涯

福恩寺

自憐滾滾抗塵客深入雲山得梵宮拂榻欲爲莊叟
夢披襟聊把楚王風條松老幹森森直古麓寒泉脉
脉通衲子久能嚴戒律爐香深炷掩房櫳宋詩拾遺

周兌

元符閒通判漳州崇寧三年朝奉大夫知袁州

石姥山

古貌蒼顏迥不殊天工偶爾賦形軀頑然本是無情物應誤行人指望夫

雨湧泉

楊岐山不出靈泉與海相通亘古傳湧湧便知天欲雨爲言陰石不須鞭萍鄉縣志

葛仙壇

稚川不戀晉衣冠句漏仙成九轉丹剩得數行風雨竹人閒珍重掃空壇萍鄉縣志

陳朝老

寧廷臣政和人元符末太學生論事剴切宣和
未復與陳東等上書請誅六賊編管道州建炎
改元宥歸紹興閒三詔徵不起學者稱陳三詔

龜山迴紋詩

潮迴浪淺細沙傾岸柳平波映眼明橋接短亭連野
艤艇橫長笛帶風清迢迢綠艸寒烟暝隱隱疏林暮
靄晴遙見疊峰清淺黛客心傷處碧雲輕宋詩
拾遺

余爽

膺有

石橋

雲藏鐘鼓霧埋林龍護山花雀散金知道有人橋外
住青崖遮斷不教尋

蒼崖清澗竹蟬娟紫閣丹樓磴道連我是夢中曾到

此故將香火記他年

桐柏崇道觀

乘風御雲氣來訪真人家玉闕散朝景瓊臺煥晨霞
高臨太元天下矚赤水涯陰魄位霜采陽精發丹華
相君奉玄書嬪女弄絳紗祥虹泥五色神芝秀三葩
煌煌王母居飄飄紫皇車飈輪動無跡風馬去亦賒
矯首揖浮丘躡屐追皇媧珠宮俯台斗石梁礙流槎
操持卻日鞭跨踏食月蛙龍旗拂烟鷺鶴袂策雲斜
清都隱虛無金庭鬱嵯峨橫霄雜美氣空界流浩波
橐籥勞吹噓吐納煩羲和倏爾度灰刦超然絕塵羅
疎箭步何徐玉斧鬢已皤飛駕逐鳳吹班騎奏鸞歌
甯留飲青精幸我栽胡麻交梨瑩肝膽火棗醒齒月

咽漱華池津咀嚼碧柰花有符越三井思慮無由耶

福聖觀

九峰回合抱瓊田石藥雲英漱瀑泉聞說丹成從此
路玉虹芝駕上青天

紫府金庭太帝宮露壇蒼檜響天風上清神虎何年
見雲錦空傳兩玉童

子晉鸞飛侍帝班吹臺今在碧雲閒高秋白月霜風
夜時有笙簫赴洛還

徐鵠

哲宗時人

朱氏天和堂

先生晦跡谷水東志趣不與晉賢同遙聽鶴唳笑二
陸巢傾穴碎非爲工浩然養素遠聲利脫去羈束離
樊籠醉隱亭中二十載桃紅李白搖春風感時嘯咏
聊自適誰知富貴爲窮通羨君高操超流俗直疑變
化稱朱公嘉禾志

韓肖胄

字似夫安陽人琦孫同上舍出身厯官端明殿
資政殿學士太中大夫提舉臨安府洞霄宮卒
謚元穆宋史有傳

建炎丞相成國呂忠穆公退老堂詩

兩持魁柄輔皇國退隱林泉歲再除勳烈早推戴難際精神不減渡江初遙知台嶽靈仙窟雅稱磻溪將相居好在先聲震南楚一堂風月暫躊躇

煌煌袞繡仁歸周卜築甯容便退休濟上風烟移鬢
第浙東山水占深幽清樽口口口口口口口口口口
口口口口口口口口知公志在復神州天台別編

馮慤

哲宗時人與李旼唱和

游碧落洞同李旼諸公

絕景塵不到暫遊神已清雲岫歛晴色風桂含秋聲
自得泉石興誰貪軒冕榮巢由值茲室必無箕穎名

潘正夫

字蒙著河南人尙哲宗第三女秦國大長公主
官至太傅封和國公宋史有傳

澹巖六韻奉呈遜叔侍郎兼寄惠照禪老

祝融之南近湘濱地出天開嶽翠珉金闕不關塵世
設丹葩爭發洞宮春遲留杖履尋真慣帳望煙霞入
夢頻奔罷空懷爛柯客雲深多失避秦人高懸石機
仙風迴靜對巖扉灌色新借問詩翁與禪伯何時導

往許爲鄰

遜叔嘗約寺僧讀書巖中

湖南通志

金石畧

桂陽

嶺開越嶠通交趾路轉荆關入九疑

輿地紀勝

黃犧

字濟川山谷老人猶子也年十九歲會山谷自涪歸寓荊州教以詩律濟川曰爲學當師吾叔源流實自杜陵卽吾師也

草堂詩

徑入小庭迂登登豈按圖主人緣雅趣有客愛規模鷗與鄰翁狎船從稚子呼何當迎接汝有夢隔江湖

五總志黃犧字濟川山谷老人猶子也年十九歲會山谷自涪歸寓荊州教以詩律濟川曰爲學當師古吾叔源流實自杜陵卽吾師也余時尙幼方參老人侍立在傍會有乞草堂詩者山谷卽試之濟川援筆立成云云山谷大奇之旣別以所用研并手校註釋杜詩以遺之且銘研曰其重也可以壓嶮者之累卵其堅也可以當謗者之錄金其圓也可以消非意之橫逆其方也可行立心之直方夫如是則研爲子師亦爲子友善友在前良規在後後三百年余與濟川別乃舉以相贈蓋傳衣也嗚呼濟川肉爛久矣而二物悉羅於兵火念之令人鼻酸

張彥修

彥修失其名哲宗時官知府與黃山谷友善

四頂山

翠巒齊聳壓平湖晚綠朝紅畫不如寄語商山閣四
皓好來各占一峯居

輿地紀勝

張琬

哲宗時人

南樓寺

仙去不留丹竈藥詩成惟記御園柑休誇巨鎮來天
北且得奇峰在嶺南已見二樓開石路可無漁鯉起
龍潭政當九月黃茅裡喜作清商洗瘴嵐

羅浮志

和孫莘老題邵伯斗野亭

維舟得古寺望遠天四平晴日揮揮散晚風泠泠清

危亭下瞰野層閣高連甍起望斗與牛淮海相奔傾
往來誰百年今昔我平生悠悠何所寓臺上多化城
與其逐影死寧似不鳴烹咄哉應有止老矣將安行

中庭柏子落丈室霜月明此意竟蕭條猶然笑安榮

淮海

集

王懋

開封人哲宗時官大理司直通判夔州卒于官

見宛邱集李夫人墓誌

垂虹亭

長橋千步截江洄虹影隨波綵翠開誰與上皇傳信

息定從此路入蓬萊

吳都文
粹續集

王介之

哲時宗人

福聖觀

奔雷漱玉向高秋長伴神仙出眾流下得碧山終未足待歸滄海始應休雲饒淨色依依斂猿傍寒聲歷歷愁別有千尋在何處應山南面虎溪頭

天台
續集

劉季孫

厲有

三高祠

太湖際天碧浩蕩浮萬象中有洞庭山天作蓬壺樣

蘆葦秋蕭蕭時聞發漁唱風順如意可尋月明迷所向
有人在扁舟髮白貌夷曠扣舷了不顧出沒信波浪
心已類木石何由知得喪遺民至如此自古惟越相
初爲吳都囚君臣憂醢醬忍恥人謂愚祈生世知妾
庭癯脫萬死歸國奇謀勑行師舞羣姓下令躍諸將
夜半覆姑蘇夫差知悲愴安惻寬晷刻反掌成伯王
江山入會稽功高誰與抗寵利速禍敗忠臣半誅放
遯去舉邦求君王鑄形狀寂寥數千年相見霜縗上
吳江淨如鏡吳艇輕如飛吳山遠如畫此景天下稀
秋風曉槭槭秋雨涼霏霏誰將孤菜擷正是鱸魚肥

時有季鷹者懷此知所歸浩歌有餘樂肯樂首陽飢
親朋不可挽飄忽雲邊衣亦闊有富貴大第嚴朱扉
食必列鍾鼎侍妾鳴珠璣簪裾望顏色賓從生光輝
一言轉造化枯朽生芳菲功高責更重勢或干天威
福深禍亦深顛覆如知幾斯人語茲理弔世潛歎欷
浮沉顧寵祿安能與心違滄波浩無際草木情依依
可以縱幽步白雲藏釣磯靜引一杯酒高懷憐昨非
數峯太湖上斜陽明翠微虛亭展遺像見者猶忘機
人物盛東南莫如吳郡陸漢季逮唐來班班聞史牘
門庭迭輝赫龍虎爭馳逐風流郁蘭桂氣象鮮車服

魯望乃其裔清標映宗族文章及者鮮意趣超然獨
寧從一瓢飲不枉萬鍾祿雲煙藹巾袖星斗粲胸腹
來居笠澤旁蕭蕭數閒屋厨中鼠起塵筆下珠盈斛
吟須僧舍題醉就友人宿醒將太玄解卧把離騷讀
心雖混漁釣迹亦混樵牧韻高誰可聽皮子往還熟
唱酬數百篇名流必雌伏叢書類有道不賦長沙鵩
晚泊松江上遺圖見眉目分明孤鶴姿軒昂駭鷄驚

吳都文粹續集

會勝亭

江心淨帶三秋月巖復斜收萬里雲

輿地紀勝

雲臺山

閩州富名山冠者雲臺化幽深壓岷峨孤峭抵嵩華
廣武山

楚漢兵相接乾坤畫亦暝虎爭千里震龍戰四郊腥
故壘從誰問嚴祠自昔靈北風吹敗木落葉任飄零
宋詩拾遺

送達師遊天台次參寥韻

正誦興公賦報師來別予興長尋瀑布語罷振行裾
勝事雲霞異清吟巖谷虛石橋鐫歲月知不假人書
師善札

宋詩卷三十一
次韻馬中玉提刑見寄

知公不奈二毛何尋訪天台所得多宿處仙人千載
忘悟時禪友一聲歌道心夷曠忘名勢句法清新爲
琢磨每到西湖懷使節春風紅紫照清波

因見佛印自稱二浙雲遊老比丘遂成絕句
二浙雲遊老比丘蘇州一宿過湖州錢塘江上乘杯
去鴈蕩天台更自由天台別編

杜欽況

鄆城人與欽益欽晏欽舜欽嵩兄弟行哲時宗

人

登靈巖

山迴路疑絕林深祕巖局鑿翠出金碧開軒列雲屏
希有昔口道久矣斯巖靈法定臥蒼壁白日穿空明
令威指泉寶一鑿口寒澄定水供萬眾不縮亦不盈
如公禪宗秀於世本無營聊口出山雲乘風無縱橫
坐令多寶藏百神轉雷霆夜月嘯彫虎玉匣開晶熒
笑指八解池外流中不傾何必空山雷始悟物我情

山東通
志藝文

魯元翰

哲宗時人

遊大滌山

馬蹄清曉破藍田一出紅塵骨已仙任鎖九重山下
路終尋五處洞中天泉流碧砌長鳴玉跡隱蒼崖久
蛻蟬人世歸時知變否樵夫曾記爛柯年

洞霄詩集卷二

李鋗

厲有

栖藥山

千仞峯巒聳碧空不知何代創仙宮滿庭秋色莓苔
地一徑寒聲檜柏風

輿地紀勝

石橋

兩溪合派一橋橫俗雨聲喧瀑布傾茶點成花金蘂

嫩香焚飛篆蕙烟輕天寧賢聖空中望佛國山林路上行洗滌塵懷舊腸肚自新省悟利兼名

天台續集

雍丘懷古

雍丘西風鼓戰塵令狐抵死撓張巡面當六矢無降色驚訝雷公是木人

宋詩拾遺

李琮

字獻甫江甯人哲宗時仕至寶文閣待制知河南瀛州宋史有傳

和馮允南見寄

半生才命苦嗟殊肯更詩窮效聖俞清識豈期回顧

盼嘉篇聊用借虛無鄉心歲月疑如夢官况塵埃直
未奴聞道南充風物好未能歸去且狂圖

宋詩拾遺

賦新繁周表權如詔亭

家愛兒孫國愛臣無邪慈教本來均非因積善能傳
慶安見天心語合人席擁詩書纔是樂門多車馬別
成春榜亭豈獨榮博俎意欲推餘勑里民

成都文類

宋詩紀事補遺三十一男侍讀銜內閣中書樹藩校